



IONSTRAIMÍ REACHTÚLA.

**I.R. Uimh. 214 de 2012**



AN tORDÚ UM LÁRIONAID CHUANTA IASCAIGH  
(RÁTAÍ AGUS MUIRIR)  
2012

AN tORDÚ UM LÁRIONAID CHUANTA IASCAIGH  
(RÁTAÍ AGUS MUIRIR)  
2012

I bhfeidhmiú na gcumhachtaí a thugtar dom le halt 4 den Acht um Lárionaid Chuanta Iascaigh 1968 (Uimh. 18 de 1968), agus leis an Ordú um Iascaigh Mhara, Imeall Trá agus Dumpáil ar Farraige (Riarachán Roinne agus Feidhmeanna Aire a Aistriú) 2007 (I.R. Uimh. 707 de 2007) (arna oiriúnú leis an Ordú um Thalmhaíocht, Iascaigh agus Bia (Ainm na Roinne agus Teideal an Aire a Athrú), 2011 (I.R. Uimh. 455 de 2011)), tar éis déanamh de réir alt 4(7)(a) den Acht sin, ordáimse, Simon Coveney, an tAire Talmhaíochta, Bia agus Mara, leis seo mar a leanas:

1. (1) An tOrdú um Lárionaid Chuanta Iascaigh (Rátaí agus Muirir), 2012 is teideal don Ordú seo.

(2) Tiocfaidh an tOrdú seo i ngníomh an 1 Iúil 2012.

2. San Ordú seo—

áirítear leis an bhfocal “iasc” speicis anadromacha agus chatadromacha mar aon le gach crústach agus moileasc atá san fharraige agus óg agus sceith éisc, agus is ionann tagairtí d’iasc agus tagairtí do chuid den iasc sin;

ciallaíonn “árthach iascaireachta” bád iascaireachta mara atá i gClár na mBád Iascaireachta arna chothabháil faoi Alt 74 den Acht Iascaigh Mara agus Dlínsé Muirí 2006;

tá le “fad” agus “fad foriomlán” an bhrí chéanna agus atá sannta dóibh faoi Rialachán 2 de na Rialacháin Loingis Thráchtála (Tonnáiste) 2007 (I.R. Uimh. 369 de 2007);

ciallaíonn “árthach iascaireachta ceadúnaithe” árthach a bhfuil ceadúnas reatha do bhád iascaireachta mara aige arna dheonú faoi Alt 4 den Acht Iascaigh (Leasú), 2003 (arna chur isteach le hAlt 97 den Acht Iascaigh Mara agus Dlínsé Muirí, 2006) arna leasú.

3. (1) Gach ráta nó muirear a shonraítear i gcolún (3) de Sceideal 1 agus 2 ag ráta nó muirear áirithe, socraítear leis seo gurb é an ráta nó an muirear é as an tsaoráid nó an tseirbhís a thuairiscítear i gcolún (2) de gach Sceideal a úsáid sna lárionaid seo a leanas:

- (a) Lárionad Cuain Iascaigh Bhaile Chaisleáin Bhéarra;
- (b) Lárionad Cuain Iascaigh an Dúin Mhóir;
- (c) Lárionad Cuain Iascaigh Bhinn Éadair;
- (d) Lárionad Cuain Iascaigh na gCealla Beaga;

*Foilsíodh fógra faoi dhéanamh na hIonstraimse Reachtúla seo san  
“Iris Oifigiúil” an 26 Meitheamh, 2012.*

(e) Lárionad Cuain Iascaigh Ros an Mhíl;

(f) Lárionad Cuain Iascaigh an Daingin.

(2) Socraítear na rátaí nó muirir i Sceideal 2 mar na rátaí nó na muirir uasta is inmhuirearaithe maidir le húsáid na saoráide nó na seirbhíse a thuairiscítear.

(3) Baineann na rátaí nó na muirir a shonraítear sna Sceidil maidir le mí, seachtain nó lá leis an tréimhse iomlán nó le cuid di, de réir mar a bheidh.

4. (1) Íocfaidh an duine a bhainfidh úsáid as an tsaoráid nó as an tseirbhís atá i gceist ráta nó muirear a shocraítear leis an Ordú seo leis an Aire.

(2) I gcás go bhfuil aon ráta nó aon mhuirear i riaráistí 90 lá nó níos mó féadfaidh an tAire gach seirbhís a tharraingt siar ón ártach sin nó aon ártach eile ar leis an duine céanna é agus féadfaidh an tAire diúltú cead a thabhairt don ártach sin dul isteach in aon cheann de na Lárionaid Chuanta Iascaigh go dtí go ndéanfar an fiach a íoc.

(3) Féadfaidh an tAire méid ráta nó muirir a bheidh iníoctha faoin Ordú seo a ghnóthú mar fhiach conartha simplí i gcúirt dlínse inniúla nó aon ártach nó earraí a bheidh an tsuim dlite ina leith a thochsal agus a dhíol.

5. Aon rátaí, muirir nó aon airgead eile atá dlite faoin Ordú a cúlghaireadh le hAirteagal 6, beidh siad iníoctha ionann is go raibh siad dlite faoin Ordú seo.

6. Déantar an tOrdú um Lárionaid Chuanta Iascaigh (Rátaí agus Muirir), 2003 (I.R. Uimh. 439 de 2003) a chúlghairm.

## SCEIDEAL 1

Uimhir Mhuirir (1)	Tuairisc ar an tSaoráid nó ar an tSeirbhís (2)	Ráta nó Muirear (3)
1	Muirear bliantúil comhshocraithe gach uair a théitear isteach sa chuan i gcás aon árthaigh iascaireachta a úsáideann na saoráidí ag ceann amháin nó ag níos mó ná aon Lárionad Cuain Iascaigh	€3 in aghaidh an olltona in aghaidh na bliana féilire iníoctha roimh ré
2	Muirear aonair gach uair a théitear isteach i gcuan amháin i gcás aon árthaigh iascaireachta a úsáidfidh saoráidí an chuain	€0.50 in aghaidh an olltona
3	Muirear gach uair a théann ártach trádála isteach i gcuan	€0.50 in aghaidh an olltona
4	<p>Úsáid an chuain i ndáil le lasta éisc—</p> <p>(a) luach: 0 — €500 in aghaidh an tona</p> <p>(b) luach: €501 — €10,000 in aghaidh an tona</p> <p>(c) luach: €10,001 nó níos mó in aghaidh an tona</p> <p>(d) ronnaigh agus bolmáin a chur i dtír, os cionn 2 thona</p> <p><i>Beidh Luachanna Éisc bunaithe ar an meánphraghas a bhí sa chuan ábhartha an bhliain féilire roimhe sin arna chinneadh ag an Údarás um Chosaint Iascaigh Mhara. Tiocfaidh luachanna na bliana féilire roimhe sin i ngníomh an 1 Meitheamh gach bliain.</i></p> <p><i>Nóta: I gcás nach bhfuil luachanna an mheánphraghais don bhliain féilire roimhe sin ar fáil go fóill, úsáidfead ceachtar de luachanna reatha nó de luachanna na bliana féilire is déanaí atá ar fáil, cibé acu is airde, ina ionad.</i></p> <p>(e) Iasc a ndéanfar min éisc de</p>	<p>€4 an tona/ €0.20 in aghaidh 50 kg</p> <p>€10 an tona/ €0.50 in aghaidh 50 kg</p> <p>€40 an tona/ €2 in aghaidh 50 kg</p> <p>€14 an tona/ €0.70 in aghaidh 50 kg</p> <p>€2 an tona/ €0.10 in aghaidh 50 kg</p>
5	Iasc geal a thabhairt i dtír (lena n-áireofar úsáid an chuain maidir le dul isteach sa chuan, iasc geal a scaoileadh, úsáid a bhaint as fíoruisce agus diúscairt dramhaíola arna giniúint ag long). Ní fhéadfar an muirear sin a chónascadh leis na muirir iontrála agus tugtha i dtír mar atá leagtha amach in 1, 2 agus 4 thuas i rith na bliana féilire.	€400 in aghaidh na gabhála a thugtar i dtír
6	<p>Úsáid an chuain i ndáil le hiasc reoite a lódáil</p> <p><i>Nóta: I gcás Gluaiseachta Lasta Aonair (aistriú láithreach a dhéanamh ar tháirgí éisc reoite ó ártach amháin go dtí ártach eile a bhfuil an péire acu feistithe feadh na cé) beidh an muirear teoranta do mhuirear amháin €2 an tona amháin. Ní bhainfidh an sainmhíniú sin le hiasc reoite a bheidh stóráilte i bhfuarstóras agus a aistrítear ina dhiaidh sin chuig ártach ag an gcé.</i></p>	€2 in aghaidh an tona

Uimhir Mhuirir (1)	Tuairisc ar an tSaoráid nó ar an tSeirbhís (2)	Ráta nó Muirear (3)
7	<p>Úsáid an chuain ag tugaí agus ag árthaí neamh-iascaireachta eile, seachas luaimh, soithí pléisiúir agus tugaí atá leagtha amach in (c) thíos, chun críocho seachas lódáil nó scaoileadh:</p> <p>(a) i ndiaidh 7 lá</p> <p>(b) i ndiaidh 28 lá</p> <p>(c) bíonn tugaí lonnaithe de ghnáth ag Lárionad Cuain Iascaigh ar feadh 180 lá nó níos mó ná sin i mbliain féilire agus seirbhísí tugaí á gcur ar fáil acu d'úsáideoirí an Lárionaid Chuain Iascaigh</p>	<p>€0.30 in aghaidh an olltona in aghaidh na seachtaine</p> <p>€1 in aghaidh an olltona in aghaidh na seachtaine</p> <p>€200 in aghaidh na bliana féilire agus é iníoctha roimh ré</p>
8	<p>Úsáid an chuain ag árthaí nach bhfuil cláraithe mar árthaí iascaireachta nó nach bhfuil ceadúnas reatha acu le haghaidh bád iascaireachta mara, úsáid an chuain ag árthaí iascaireachta díchláraithe, ag seanchabhlacla, ag árthaigh thréigthe nó ag ártach ar bith eile nach bhfuil sonraithe ar shlí eile san Ordú seo:</p> <p>(a) suas le 20m ar fad:</p> <p>(i) le haghaidh na 6 seachtaine tosaigh</p> <p>(ii) le haghaidh an dara tréimhse 6 seachtaine</p> <p>(iii) le haghaidh na tréimhse ina dhiaidh sin</p> <p>(b) os cionn 20m ar fad:</p> <p>(i) le haghaidh na 6 seachtaine tosaigh</p> <p>(ii) le haghaidh an dara tréimhse 6 seachtaine</p> <p>(iii) le haghaidh na tréimhse ina dhiaidh sin</p>	<p>€75 in aghaidh na seachtaine</p> <p>€150 in aghaidh na seachtaine</p> <p>€300 in aghaidh na seachtaine</p> <p>€100 in aghaidh na seachtaine</p> <p>€200 in aghaidh na seachtaine</p> <p>€400 in aghaidh na seachtaine</p>
9	<p>Úsáid fíoruisce (éigeantach do gach ártach a bhaineann úsáid as Lárionad Cuain Iascaigh is cuma cé acu an mbaineann siad úsáid as fíoruisce nó nach mbaineann) seachas árthaí a íocann faoi mhuirear uimh. 5 agus faoi mhuirear uimh. 10 sa Sceideal seo agus faoi mhuirear uimh. 17 i Sceideal 2:</p> <p>(a) árthaigh iascaireachta (6 mhéadar nó níos mó ná sin ar fad foriomlán — ff)</p> <p>(b) árthaigh pheiligeacha</p> <p>(c) gach ártach eile</p> <p>*Nóta: Má thobhítear muirear le haghaidh fíoruisce ag Lárionad Cuain Iascaigh amháin ní thobhíofar an muirear sin ag aon Lárionad Cuain Iascaigh eile a úsáidfeadh laistigh den mhí</p>	<p>€30 in aghaidh na míosa in aghaidh an árthaigh nó €2.50 in aghaidh an mhéadair chiúbaigh arna mhéadrú</p> <p>€90 in aghaidh na míosa in aghaidh an árthaigh nó €2.50 in aghaidh an mhéadair chiúbaigh arna mhéadrú</p> <p>€2.50 in aghaidh an mhéadair chiúbaigh arna mhéadrú</p>

## 6 [214]

Uimhir Mhuirir (1)	Tuairisc ar an tSaoráid nó ar an tSeirbhís (2)	Ráta nó Muirear (3)
10	<p>(a) Úsáid an chuain ag ártach paisinéirí ag gabháil do thuras intíre agus a bhfuil líon ceadaithe 100 paisinéir nó níos mó ag taisteal uirthi</p> <p>(b) Úsáid an chuain ag ártach paisinéirí atá ceadaithe líon idir 13 agus 99 paisinéir a iompar:</p> <p>(i) níos lú ná 14 mhéadar ar fad</p> <p>(ii) 14 mhéadar nó níos mó ná sin ar fad</p> <p>(c) Úsáid an chuain ag báid bheaga paisinéirí atá ceadúnaithe chun suas le 12 phaisinéir a iompar</p> <p>(d) Úsáid an chuain ag árthaí cúrsála ar thuras idirnáisiúnta</p>	<p>€85 in aghaidh na hiontrála, nó €8,500 in aghaidh na bliana féilire iníoctha roimh ré</p> <p>€25 in aghaidh na hiontrála, nó €2,500 in aghaidh na bliana féilire iníoctha roimh ré</p> <p>€40 in aghaidh na hiontrála, nó €4,000 in aghaidh na bliana féilire iníoctha roimh ré</p> <p>€17 in aghaidh na hiontrála, nó €1,150 in aghaidh na bliana féilire iníoctha roimh ré</p> <p>€1.20 in aghaidh an phaisinéara in aghaidh na hiontrála</p>
11	<p>(a) Úsáid as sleamhnán chun soithí pléisiúir a sheoladh agus a ghlanadh (seachas báid atá ag freastal ar mhúráil scoípe)</p> <p>(b) Úsáid as sleamhnán chun ártach iascaireachta nó soitheach pléisiúir nó paisinéara, atá ceadúnaithe líon níos lú na 12 phaisinéir a iompar, a iniúchadh nó a ní</p> <p>(c) Úsáid as sleamhnán chun ártach paisinéirí, atá in ann 12 phaisinéir nó níos mó ná sin a iompar, a iniúchadh nó a ní</p>	<p>€5 in aghaidh an bháid in aghaidh an lae nó €50 in aghaidh an bháid in aghaidh na bliana</p> <p>€30 in aghaidh an lae</p> <p>€100 in aghaidh an lae</p>
12	<p>Úsáid as córas sioncrónaithe ardaithe maidir leis na nithe seo a leanas—</p> <p>(a) ardú agus ísliú</p> <p>(b) aistriú chuig bá lódála</p> <p>(c) ag seasamh i mbá deisiúcháin 1 go dtí 28 lá (seachas nuair is gá d'ártach fanacht i mbá deisiúcháin chun iniúchadh oifigiúil a éascú)</p> <p>(d) ag seasamh i mbá deisiúcháin ar feadh 29 lá agus os a chionn (seachas nuair is gá d'ártach fanacht i mbá deisiúcháin chun iniúchadh oifigiúil a éascú)</p> <p>(e) ag seasamh i mbá deisiúcháin faoi dhíon</p> <p>(f) soláthar scib dramhaíola</p> <p>(g) soláthar uisce:</p> <p>(i) i gcás nach bhfuil fáil ar mhéadrú</p> <p>(ii) i gcás ina bhfuil fáil ar mhéadrú</p>	<p>€20 in aghaidh an mhéadair ar fad/ fad foriomlán (Ff)</p> <p>€10 in aghaidh an mhéadair ar fad/ fad foriomlán (Ff)</p> <p>€100 in aghaidh an lae</p> <p>€200 in aghaidh an lae</p> <p>€100 in aghaidh an lae bhreise</p> <p>€250 in aghaidh an ardaithe</p> <p>€30 in aghaidh an lae</p> <p>€2.50 in aghaidh an mhéadair chiúbaigh</p>

## SCEIDEAL 2

Uimhir Mhuirir (1)	Tuairisc ar an tSaoráid nó ar an tSeirbhís (2)	Ráta nó Muirear (3)
1	Glanadh ilghnéitheach cé agus diúscairt dramhaíola tréigthe	Costas iomlán maidir le glanadh agus diúscairt dramhaíola móide €500 breise
2	Earraí arna stóráil go mícheart nó a chuireann faoi deara bac a chur nó nach bhfuil ceadaithe ag an Máistir Cuain	€100 in aghaidh an lae
3	Maoin nó earraí arna ngaibhniú a scaoileadh	€250
4	Páirceáil cairr — 8rn go dtí 8in	€1 in aghaidh na huaire nó €8 in aghaidh an lae
5	Páirceáil leoraí (gan aon duine ina fheighil) ag am ar bith	€5 in aghaidh na huaire
6	Páirceáil leantóra (gan aon duine ina fheighil) ag am ar bith	€5 in aghaidh na huaire
7	Clampa cairr/leoraí/leantóra a scaoileadh	€150
8	(a) Stóráil soithí beaga faoi bhun 6 mhéadar ar fad (b) Stóráil soithí beaga faoi bhun 6 — 8 méadar ar fad (c) Stóráil soithí beaga os cionn 8 méadar ar fad	€10 in aghaidh na seachtaine €15 in aghaidh na seachtaine €20 in aghaidh na seachtaine
9	(a) Úsáid as múrálacha scoípe ag árthaí suas le 5.5 méadar ar fad (b) Úsáid as múrálacha scoípe ag árthaí os cionn 5.5 méadar ar fad	€200 in aghaidh na bliana €300 in aghaidh na bliana
10	Diúscairt dramhaíola arna giniúint ag long*. Árthach dar mhéid — (a) níos lú ná 10 n-olltona (b) 10 n-olltona nó níos mó ná sin (c) 20 olltona nó níos mó ná sin (d) 30 olltona nó níos mó ná sin (e) 100 olltona nó níos mó ná sin  *Nóta: 1. Is éigeantach é an muirear seo ar gach árthach a bhaineann úsáid as Lárionad Cuain Iascaigh is cuma cé acu an ndéantar dramhaíl a dhiúscairt nó nach ndéantar. 2. Má thobhítear muirear le haghaidh dramhaíl a dhiúscairt ag Lárionad Cuain Iascaigh amháin i rith míosa ní thobhíofar an muirear sin ag aon Lárionad Cuain Iascaigh eile a úsáidfeá laistigh	€20 in aghaidh na míosa €40 in aghaidh na míosa €60 in aghaidh na míosa €80 in aghaidh na míosa €100 in aghaidh na míosa
11	Úsáid neamhúdraithe as calú nó feistiú	€500 in aghaidh an lae

## 8 [214]

Uimhir Mhuirir (1)	Tuairisc ar an tSaoráid nó ar an tSeirbhís (2)	Ráta nó Muirear (3)
12	Soláthar leictreachais i gcás nach bhfuil fáil ar chártaí cumhachta	Arna mhuirearú de réir an ráta leictreachais i réim san am (CBL san áireamh) mar aon le táille riaracháin 10%
13	<p>Úsáid as droichead meáite chun—</p> <p>(a) éisc a mheá (Ní bhainfidh an muirear le meá éisc a eascraíonn as oibleagáidí faoin Rialachán ón gComhairle (CE) Uimh. 1224/2009 an 20 Samhain 2009<sup>1</sup> agus Rialachán Forfheidhmiúcháin ón gCoimisiún (AE) Uimh. 404/2011 an 8 Deireadh Fómhair 2011<sup>2</sup>, nó de réir mar a leasófaí.)</p> <p>(b) gach lód eile a mheá ar ghnáthlá oibre</p> <p>(c) gach lód eile a mheá ar an deireadh seachtaine agus ar laethanta saoire poiblí</p>	<p>€10 in aghaidh an mheáite</p> <p>€30 in aghaidh an mheáite</p> <p>€100 in aghaidh an mheáite</p>
14	<p>Úsáid as forcardaitheoir Lárionaid Chuain Iascaigh, lainse cuain agus trealamh cuain eile (má tá fáil orthu agus faoi rogha an Mháistir Cuain):</p> <p>(a) i rith gnáthlae oibre</p> <p>(b) ar an deireadh seachtaine agus ar laethanta saoire poiblí</p> <p>Nóta: Is í foireann an chuain a oibreoidh trealamh an chuain i gcónaí.</p>	<p>€50 in aghaidh na huaire</p> <p>€100 in aghaidh na huaire</p>
15	<p>Úsáid an chuain i ndáil le lódáil agus scaoileadh lasta mar seo a leanas:</p> <p>(a) miotail — giarsaí, mogall, feadáin chruach, píopaí, etc.</p> <p>(b) adhmaid — cruca, bog, lomáin, cuailí, etc.</p> <p>(c) gaineamh, gairbhéal, cloch bhrúite, etc.</p> <p>(d) earraí taiscéalaithe nó táirgthe a bhaineann le hola nó le gás amach ón gcósta</p> <p>(e) gual i málaí</p> <p>(f) stroighin, táirgí coincreíte</p> <p>(g) bia agus grán ainmhithe</p> <p>(h) innealra, déanta as miotail agus as miotail neamhfheiriúla</p> <p>(i) lasta (seachas lasta atá sonraithe san uimhir mhuirir seo)</p>	<p>€1.20 in aghaidh an tona</p> <p>€1 in aghaidh an tona</p> <p>€1.25 in aghaidh an tona</p> <p>€1.05 in aghaidh an tona</p> <p>€0.90 in aghaidh an tona</p> <p>€1.10 in aghaidh an tona</p> <p>€1 in aghaidh an tona</p> <p>€2 in aghaidh an tona</p> <p>€2 in aghaidh an tona</p>
16	Muirir leagtha síos	€2 in aghaidh an mhéadair chearnaigh in aghaidh na míosa



Uimhir Mhuirir (1)	Tuairisc ar an tSaoráid nó ar an tSeirbhís (2)	Ráta nó Muirear (3)
17	<p>Luaimh agus áirtheá pléisiúir a chur i gcalú:</p> <p>(a) ráta bliantúil (1 Aibreán go dtí 31 Márta)</p> <p>(b) ráta samhraidh (1 Aibreán go dtí 30 Meán Fómhair)</p> <p>(c) ráta geimhridh (1 Deireadh Fómhair go dtí 31 Márta)</p> <p>(d) fanacht ghearr le linn uaireanta oibre agus gan a bheith ar ancaire i ndiaidh 5 i.n. (sé huair ar a mhéid)</p> <p>(e) ráta thar oíche (6 go dtí 24 uair)</p> <p>(f) ráta seachtainiúil (1 Aibreán go dtí 30 Meán Fómhair)</p> <p>(g) ráta seachtainiúil (1 Deireadh Fómhair go dtí 31 Márta)</p> <p>(h) ráta míosúil (1 Aibreán go dtí 30 Meán Fómhair)</p> <p>(i) ráta míosúil (1 Deireadh Fómhair go dtí 31 Márta)</p> <p>*Nóta: Bíonn spásanna calaithe faoi réir ag infhaighteacht agus faoi rogha an Mháistir Cuain. Beidh feidhm ag muirir leictreachais freisin.</p>	<p>Iníoctha ar dhul isteach sa chuan nó roimh ré</p> <p>€180 in aghaidh an mhéadair ar fad</p> <p>€150 in aghaidh an mhéadair ar fad</p> <p>€80 in aghaidh an mhéadair ar fad</p> <p>€10</p> <p>€2 in aghaidh an mhéadair ar fad le muirear íosta €15</p> <p>€14 in aghaidh an mhéadair ar fad</p> <p>€12 in aghaidh an mhéadair ar fad</p> <p>€50 in aghaidh an mhéadair ar fad</p> <p>€35 in aghaidh an mhéadair ar fad</p>



ARNA TABHAIRT faoi mo  
Shéala Oifigiúil,  
21 Meitheamh 2012.

SIMON COVENEY,  
An tAire Talmhaíochta, Bia agus Mara.

## NÓTA MÍNIÚCHÁIN

*(Ní cuid den ionstraim an nóta seo ná ní ceart a mheas gur míniú dlíthiúil uirthi é).*

Forordaítear leis an Ordú seo na rátaí agus na muirir leasaithe is infheidhme ag Lárionaid Chuanta Iascaigh le héifeacht ón 1 Iúil 2012.

BAILE ÁTHA CLIATH  
ARNA FHOILSIÚ AG OIFIG AN tSOLÁTHAIR  
Le ceannach díreach ón  
OIFIG DHÍOLTA FOILSEACHÁN RIALTAIS,  
TEACH SUN ALLIANCE, SRÁID THEACH LAIGHEAN, BAILE ÁTHA CLIATH 2,  
nó tríd an bpost ó  
FOILSEACHÁIN RIALTAIS, AN RANNÓG POST-TRÁCHTA,  
AONAD 20 PÁIRC MIONDÍOLA COIS LOCHA, CLÁR CHLAINNE MHUIRIS,  
CONTAE MHAIGH EO,  
(Teil: 01 - 6476834 nó 1890 213434; Facs: 094 - 9378964 nó 01 - 6476843)  
nó trí aon díoltóir leabhar.

DUBLIN

PUBLISHED BY THE STATIONERY OFFICE  
To be purchased directly from the  
GOVERNMENT PUBLICATIONS SALE OFFICE  
SUN ALLIANCE HOUSE, MOLESWORTH STREET, DUBLIN 2,  
or by mail order from  
GOVERNMENT PUBLICATIONS, POSTAL TRADE SECTION,  
UNIT 20 LAKESIDE RETAIL PARK, CLAREMORRIS, CO. MAYO,  
(Tel: 01 - 6476834 or 1890 213434; Fax: 094 - 9378964 or 01 - 6476843)  
or through any bookseller.

€3.05

